



UNIVERSITÄTS-
BIBLIOTHEK
PADERBORN

Universitätsbibliothek Paderborn

Originvm Monasticarvm Libri IV.

Le Mire, Aubert

Coloniae Agrippinae, 1620

Cap. VI. Sancti Antonij vita breuiter ob oculos ponitur.

urn:nbn:de:hbz:466:1-11249

tesseram gestant.

Huius ordinis insigne monasteriū visitur
Traiecti ad Mosam, quod apud Belgas nunc
est vnicum: cetera namque desierunt

Totius ordinis caput, vt dixi est S. Antonij
Abbatia in diœcesi Viennensi sita.

CAPVT VI.

S. Antonij vita breuiter ob oculos ponitur.

Antonius AEgyptius nobilibus, & Christianis parentibus natus, quibus adolescēs orbatus est, cùm ingressus Ecclesiam ex Evangelio audiuisset: *Si vis perfectus esse, vade & vende omnia quæ habes, & da pauperibus*, tanquam ea sibi dicta essent, sic Christo Domino obtemperandum exiſtimauit. Itaque vendita re familiari, pecuniam omnem pauperibus distribuit. Quibus solitus impedimentis, cœlestis vitæ genus in terris colere instituit. Sed cū in periculoso illud certamē descendere ad fidei præfidium, quo erat armatus, adhibendum sibi putauit subsidium reliquarum virtutum: quarum tanto studio incensus fuit, vt quemcunque videret aliqua virtutis laude excellentem, illum imitari studeret.

Nihil igitur eo continentius, nihil vigilans erat. Patientia, mansuetudine, misericordia,

ricordia, humilitate, labore, ac studio diuinorum Scripturarum superabat omnes. Ab hæreticorum & schismaticorum hominum, maximè Arianorum, congressu & colloquio sic abhorrebat, ut ne propè quidem ad eos accedendum diceret. Humi iacebat, cùm eum necessarius somnus occupasset. Ieiunium autem adeò coluit, vt salem tantummodo ad panem adhiberet; sìtim aqua extingueret: neq; se ante Solis occasum cibo aut potu recreabat, sàpè etiam biduum cibo abstinebat: sàpissime in oratione pernoctabat. Cùm talis tantusque Dei miles euasisset *Antonius*, sanctissimū iuuenem hostis humani generis varijs temptationibus aggreditur, quas ille ieiunio, & oratione vincebat. Nec verò frequens de Satana triumphus securum reddebat Antonium, qui diabolī inntumeras artes nocendi nouerat.

Itaque contulit se in vastissimam Aegypti solitudinem: vbi quotidie ad Christianam perfectionem proficiens, dæmones (quorum tantò erant acriores impetus, quantò *Antonius* ad resistendum fortior euadebat) ita contempserat, vt illis exprobaret imbecillitatē: ac sàpè discipulos suos excitans ad pugnā contra diabolum, docensque quibus armis vinceretur: *Mibi credite*, dicebat, *fratres*, *pertimescit satanas piorum vigilias, orationes, ieiunia, voluntariā paupertatem, misericordiam & humilitatem, maximè verò ardente amorem in Christum Dominum, cuius unico sanctissimae crucis signo debilitatus aufigit.*

git. Sic autem dæmonibus erat formidolosus, ut multi per Aegyptum ab illis agitati, inuocato nomine Antonij liberarentur: tantaque erat eius fama sanctitatis, vt per litteras se eius orationibus *Constantinus magnus* Imp. & filij commendarent. Qui aliquando quintum & centesimum annum agens, cùm innumerabiles sui instituti imitatores haberet, cōuocatis monachis, & ad perfectam Christianæ vitæ regulam instructis, sanctitate & miraculis clarus migrauit in celum decimo sexto Kalend. Februarij.

S. Antonij res gestas scripsere S. Athanasius, S. Hieronymus, Socrates, Sozomenus, Theodoreetus, & alijs.

CAPVT VII.

Ordo Guilielmitarum, per S. Guilielmum Aquitaniæ Ducem institutus.

Guilielmus Aquitaniæ Dux, & Pictauorum Comes, cùm schisma aduersus Innocentium II. Pontificem Maximum fouisset, & eos, qui verum Pontificem sectantes, Petrum Leonem pseudopapam execrabantur, minis & terroribus exagitasset, alijs eiecit, alijs carceri inclusis, à S. Bernardo Abate ad eum profecto.